



Broj: 01-2-1914/13
Sarajevo, 13.06.2013. godine

MEDIJIMA

Predmet : Saopćenje

BANKARSKI SUPERVIZORI IZ CENTRALNE I ISTOČNE EVROPE U SARAJEVU

Agencija za bankarstvo Federacije BiH i Agencija za bankarstvo RS bili su domaćini XXVI godišnje konferencije bankarskih supervizora Centralne i Istočne Evrope (BSCEE) koja se od 12.do 13.juni održavala u Sarajevu. Na dvodnevnom skupu sudjelovalo je oko četrdeset predstavnika centralnih banaka i supervizorskih institucija iz dvadeset i četiri zemlje Centralne i Istočne Evrope te drugih institucija za bankarski nadzor. Konferenciju su riječima dobrodošlice otvorili direktor Agencije za bankarstvo F BiH i predsjedavajući BSCEE-a Zlatko Barš, direktorica Agencije za bankarstvo RS-a Slavica Injac i guverner CBBH Kemal Kozarić. Međunarodna iskustva pored ostalih učesnika iznijeli su i predstavnik Banke za međunarodna poravnanja (BIS) iz Basela i savjetnik Izvršnog odbora Evropske centralne banke.

Sastanak se održavao sa namjerom da se kroz razmjenu mišljenja i koordinaciju ojačaju regulatorne funkcije koje su od ključnog značaja za unapređenje stabilnosti bankarskog sistema te njegovu integraciju. Također, u radu ovogodišnje konferencije osobita pozornost bila je posvećena razmatranju daljnjeg unapređenja saradnje u oblasti bankarske supervizije u Centralnoj i Istočnoj Evropi, očuvanja finansijske stabilnosti u regiji i ulozi bankarskog nadzora u tom pogledu. Uz to, razmjenjena su mišljenja i saznanja vezana za primjenu odredaba tzv. Basela III u bankarskom nadzoru, te načini reduciranja nekvalitetnih kreditnih plasmana koji otežavaju poslovanje banaka.

Entitetskim Agencijama je bila izuzetna čast predsjedavati ovom Grupom te i na taj način istaći važnost saradnje i koordinacije tijela za superviziju, kako bi se umanjile direktne i indirektno posljedice globalnih finansijskih poremećaja i osigurao nastavak finansijske stabilnosti.

URED FBA ZA INFORMIRANJE